

TIMOR-LESTE: PIB PRELIMINÁRIU 2024

Timor-Leste nia preliminaríriu PIB la'os petrolíferu iha tinan 2024 sa'e ba 4.1% iha presu konstante, impulsiona husi investimentu públiku ho kresimentu 48.1% no konsumu privadu ho kresimentu 3.3%. Kresimentu ida-ne'e hetan kompensasaun parsialmente hosi aumentu 12.5% iha importasaun sasán no servisu sira.

Konsumu Privadu:

- Konsumu privadu aumenta 3.3% kontribui pontu persentajen 2.4 (pp) ba kresimentu PIB.
- Iha 2024 importasaun sasán ba konsumu aumenta maka'as no hamosu konsumu privadu ne'ebé aas liu. Abilidade umakain atu finansia importasaun mos aumentu ida ne'e refléta hosi kreximentu remesas ne'ebe simu husi rai-liur no mós transferénsia governu nian ba umakain sira.

Investimentu Privadu:

- Investimentu privadu aumenta 16.5% kontribui 0.7 pp ba kresimentu PIB.
- Investimentu privadu hetan kreximentu maka'as iha 2024, tanba negósiu sira aproveita ezijénsia hosi uma-kain no vizitante estranjeiru sira ne'ebe mak aumenta. Vizita Amu-Papa no eventu nasionál boot sira seluk mos fó oportunidade liután ba negósiu sira atu investe.

Parseiru Dezenvolvimentu:

- Despezas Parseiru dezenvolvimentu tun 6.5% no hamenus 0.7 pp husi kreximentu PIB.
- Diminuisaun relativamente ki'ik iha finansiamentu hosi parseiru dezenvolvimentu hetan kontribuisaun parsialmente hosi apoiu ne'ebé presiza ba reabilitasaun infraestruturá ne'ebé hetan estragu hosi inundasaun iha 2024 ho nivel ki'ik liu kompara ho tinan anteriór.

Konsumu Governu:

- Konsumu governu aumenta 3.0% kontribui 1.6 pp ba kresimentu PIB.
- Aumentu ida ne'e hetan impulsu husi kreximentu iha kompras governu nian ba sasán no servisu sira.

Investimentu Públiku:

- Investimentu públiku aumenta 48.1%, kontribui 6.5 pp ba kresimentu PIB.
- Durante 2024, iha aumentu significativu iha gastu governu nian ba infraestruturá transporte nian hanesan ponte, rehabilita Estrada, no habelar rede autoestrada.

Esportasaun Sasán no Servisu Sira:

- Esportasaun sasán no servisu sira aumenta 34.0%, kontribui 1.0 pp ba kresimentu PIB.
- Esportasaun sasán aumenta 0.7%, tanbakreximentu kontinua iha produto esportasaun seluk ne'ebe relativamente ki'ik atu kompensa redusaun iha kuantidade esportasaun kafé.

- Esportasaun servisu sira aumenta 42.7%, tanba recuperasaun kontinua iha setor turizmu jeralmente no kontribui husi eventua importante sira hanesan vizita Amu-Papa no aniversáriu Konsulta Populár ba dala-25.

Importasaun Sasán no Servisu Sira:

- Importasaun sasán no servisu sira aumenta 12.5%, hamenus 7.2 pp ba kresimentu PIB.
- Importasaun sasán aumenta 9.9%, tanba aumentu iha kbi'it sosa nian iha setór públiku no privadu sira hamosu ezijénsia bo'ot liu ba importasaun sasan konsumidór no kapitál sira.
- Importasaun servisu sira aumenta 17.3% ho ezijénsia lokál ba transporte, finansa no servisu negósiu sira seluk lidera kreximentu.

Mudansa Inventáriu:

- Mudansa inventáriu tun 2.5% hamenus 0.1 pp husi kreximentu PIB.

Tabela I: PIB la'os Petrolíferu husi Parte Despezas 2024

	Kreximentu (%)	Kontribusaun ba Kreximentu (pp)
Konsumu Privadu	3.3	2.4
Investimentu Privadu	16.5	0.7
Parseira Dezenvolvimentu	-6.5	-0.7
Konsumu Governu	3.0	1.6
Investimentu Públiku	48.1	6.5
Esportasaun Bens no Servisus	34.0	1.0
Exportasaun Bens	0.7	0.0
Exportasaun Servisus	42.7	1.0
Importasaun Bens no Servisus	12.5	7.2
Importasaun Bens	9.9	3.7
Importasaun Servisus	17.3	3.5
Mudansa Inventáriu	-2.5	-0.1
PIB la'os petrolíferu (e)*	4.1	4.1

NOTA TÉCNIKU: PIB versaun preliminaríu 2024 publika iha Marsu 2025 ne'e bazeia ba informasaun ikus liu ne'ebé disponivel konaba indikadór la'os petrolíferu husi parte despeza nian hodi fornese informasaun atual konaba kreximentu ekonomiku iha Timor-Leste. PIB versaun final 2024 ne'ebe mak sei publika iha Setembru 2025, sei kobre dadus kompletu liu inklui PIB parte produsaun nian (Peskiza Atividade Emprezarial). Tamba ne'e, taxa kreximentu PIB versaun final 2024 bele iha diferente husi versaun preliminaríu ne'e.